

الدرس) 40 (.. " تدبرات في سورة الحجرات " .. دورة {قل لم تؤْمِنُوا} .. د. حازم شومان

حازم شومان

وسلاما على عباده الذين اصطفى. اللهم لك الحمد كله ولك الملك كله. وبيك الخير كله واليک يرجع الامر كله. اللهم صل على عبدك ونبيك محمد صلي الله عليه وسلم. في الاولين والاخرين - [00:00:00](#)

وفي كل وقت وحين. اما بعد اخوانی واحبابی في الله فنحن لا زلنا مع سورة الحجرات باذن الله سبحانه وتعالی. ونحن الان نتدبر في آآ وصلنا لحزام الامان رقم کم؟ احنا خلصنا الحزام الامان الاولاني في ازاي نحافظ على بعض وازاي نكمل مع بعض. وهو آآ تعظيم - [00:00:30](#)

القرآن والسنة تعظيم قال الله وقال رسول الله صلى الله عليه وسلم تعظيم علماء الدين وورثة النبي صلى الله عليه وسلم. حز الامان الثاني اللي احنا خدناه المرة اللي فاتت ان جاءكم فاسق بنبأ فتبينوا. وآآ لو يطعكم في كثير من الامر لعنتم. اللي هو منهج - [00:00:50](#)

التعامل مع الاخبار والشائعات. منهج التعامل مع الاخبار. النهاردة هنبدأ في حزام الامان الثالث وان طائفتان من المؤمنين اقتتلوا فاصلحوا بينهما. وهو منع التعامل مع الخلافات. منهج التعامل مع الخلافات. ساعة ما تحصل مشكلة ما بين اتنين اخوة ما بين اتنين اخوات. ما بين اه زي ما حصل بين العراق والكويت - [00:01:10](#)

كده مسلا زمان ما بين يا عم اتنين عاملين لدين الله. ما بين اي اتنين عاملين في حقل الدعوه الى الله. اخين صغيرين او كبار ما فيش فرق يا اخوانی في الله - [00:01:30](#)

الاتنين الصحابة اللي لما تلاحو رفعت ليلة القدر اه لم يذكر هم مين؟ يعني ما حدش قالهم كانوا صحابة كبار ولا صغيرين ولكن رفعت ليلة القدر على الجميع ليه ؟ لأن مجرد وجود خلاف في الصف الصف كله بيتحرم. النبي عليه الصلاة والسلام طب يا رسول الله طيب يعني اتنين اتشاكلو طب هم اللي يتعاقبوا لأ الجميع - [00:01:40](#)

هيتعاقب ليه ؟ لأن اللي ما عندوش ايجابية وشاف اتنين من اخوانه بيتخانقوا مع بعض. وما تدخلش هو كمان بيتعاقب. في رفع القدر من عند الجميع. طيب يعني طب يعني كان اللي يتعاقب الغلطان انت واخوك لو انشاكتوا مع بعض. فيه واحد غلطان وواحد مش غلطان. انما انتم الاتنين خسرانين - [00:02:00](#)

يبقى القصة مش من الغلطان. القصة مين الخسران كله خسران. يبقى انت الوقتي جاي تقول لي يا بابا مسلا اخويا ضربني تعرف ايه ؟ هاقول انتم الاتنين تاخدوا سجن خمس سنين. الله! بس هو اللي غلطان في مشاكل الملتزمين مع بعض. الاتنين بيبقو خسرانين. وبترفع العطاءات - [00:02:20](#)

وحتعاني الاتنين وعن كل الصف اللي شافهم بيتشاركون ما رضاش ان هو يتدخل. وما كانش عنده ايجابية في حل المشاكل. وان طائفتان من المؤمنين اقتتلوا اقتتلوا احنا قلنا في حزام الامان آآ رقم کم؟ ثلاثة اللي هو منهج التعامل مع مين؟ مع الخلافات مع اي خلاف بینشأ. اقتتلوا مش معناه رفعوا السيف على بعض زي العراق والكويت - [00:02:40](#)

كده اقتتلوا حتى لو اتشاكلو مع بعض حتى لو شتموا بعض رفعوا لسانهم على بعض. عشان كده اسباب النزول ان في ناس من الاوس والخزر اتشاكلو وفي اتنين من الانصار اتشاكلو. يبقى مش لازم ناس رفعت السيف على بعض. يبقى انت مش لازم تستنى اما

تبقي مصيبة وبعد كده تحاول تتدخل. انت من - 00:03:02

قال لي بادرة خلاف ما بين اتنين ملتزمين لازم تتدخل. الايات دي بتعلمك الايجابية. زي ايه الكلمة اللي علمنا الايجابية في الايات اللي فاتت؟ حد يقدر يفتكر ايه الكلمة اللي قلنا فيها ايجابية ولازم تتعلم الايجابية فتبينوا وتتبتوا فتبينوا لازم انك انت بقى عندك ايجابية. ما فيش حاجة اسمها خلاص انا مش - 00:03:22

اصدق اي حد يقول لي خبر وخلاص لأ. لازم المجتمع يعرف ان كل واحد مسئول عن الكلمة اللي هيقولها. فتبينوا وفي قراءة برضه عشرية فتبثروا وان طائفتان من المؤمنين ايه؟ اقتتلوا. بيقى لما يحصل اي مشكلة آآ طب ربنا قال مؤمنين رغم ان الاتنين مدوا ايدهم على بعض وممكن رفعوا السيف على بعض وممكن - 00:03:42

يعنى حصل مشاكل وتجاوزات بينهم زي ما بنشوف في اي خلاف. يعني احنا بنشوف خلافات ما بين ناس متدينة يعني لا تقل في السوء عن الخلافات ما بين ناس. يعني - 00:04:02

جدا. يعني وربنا اسبت الايمان للاتنين. عدم التصورات المسالية. التصورات المسالية اكتر حاجة بتدمير حياتك. التصور المسالى عن تربية اه انا جاي بقى المسجد الشيخ بقى هيفرضى لي وهيعيش عشانى. والمربى ده واحد متفرغ للطالب. اربعة وعشرين ساعة مستنيني اجي ده كلام! ده كلام - 00:04:12

يعنى ما تزعلوش مني يا جماعة ده كلام جنون. ما فيش حاجة في الدنيا كده اصلا. ولا في التعليم الدنيوي وانت بتروح تلاقى المدرس قاعد لك اربعة وعشرين ساعة. المدرس عنده اوقات لانه - 00:04:32

عنه حياة قال لها ده بيقى هو عليه حق ان هو يقعد في اوقات ويتواجد فيها وانت عليك حق انك انت ترتب حياتك على حياته. بيقى اذا التصور المثالى عن التربية هو اللي ضيع التربية. هو اللي ضيعها. التصور المثالى مسلا على الالتزام. هو اللي بيضيع الاخ. ان الالتزام ان انا ما اعصيش وما اقعش - 00:04:42

فالاخ يقع في معصية يقوم يجي له احبط وينتكس ليه انا ما عرفش ما ينفعش ملتزم لأنك ممكن تبقى ملتزم وبتعصى. بس كل ما بتعصى تتوب. بيقى فرق بين الملتزم وغير الملتزم مش ان الملتزم ما بيعصى وغير الملتزم بيعصى. ان الملتزم كل ما يعصى يقوم ويتوب فورا ويجدد التوبة مع الله - 00:05:02

صور المثالى عن عن الاخوة بقى او عن مفهوم المتدينين في المجتمع. مجتمع متهدأ له ان الداعية ده قديس. وان اي واحد متدين لازم بيقى قديس. والا يتشهر به في التوك شو وي>Show them what they have - 00:05:22

ايه وشوف ربنا اسبت لهم الايمان وهم بيتشاركون مع بعض. بيقى انت ما فيش حاجة بتخليلك تخسر اخوك ايه؟ هو ده الدين. اه ايه بنى ادم يا اخي عنده مشاكل انما هو في المجمل انسان متدين وكوييس. هو انت كل ما هتشوف عيب في اخوك بيقى انت انسان متطرف فكريًا اصلا. بيقى انت انسان عندك انحراف - 00:05:37

نفسى وعايز تبرر كرهك للآخرين وانزعالك عنهم باى عيب في اي حد. اه عادي قرقش لاخوك الزلط يا اخي يا عم تعدى في الزحمة. يا عم يا عم ايه المشكلة يعني؟ يا عم خليك لارج يا عم عادي ان اخوك بيقى عنده مشاكل في شخصيته عادي ان اخوك بيقى عنده عيوب عادي ان اخوك بيقى عنده معاصي. عادي ان - 00:05:57

يغلط ويتجاوز ويعمل مشاكل وهو اخوك وهو متدين وهو مؤمن. نقص فيه ولكن على المجمل هو انسان كوييس. بيقى خلي دائمًا عقلية اجمالية مش اول ما تشواف زي اللي اول ما يشوف شيخ غلط في فتوى ولا عمل غلطة امسك وانا اتصدمت في الشيخ اللي كنت ماشي وراه - 00:06:17

يا ابني انت انسان متطرف انت منحرف نفسيا اصلا. انت انسان عندك انحراف نفسى داخلى. هو ايه المشكلة ان شيخ يغلط يعني! ايه يا عم ضربة شمس يا عم مش الشمس - 00:06:37

دي من غيرها الارض تعفن والناس تموت كلها. الشمس دي مش بتضرببني ادم تموته. ضربة شمس يا عم ايه المشكلة؟ واحد جا له ضربة شمس قال لك والله ما عدت ماشي في الشمس - 00:06:47

خلاص وھعتز الشمسم. هتموت. رح ياعم موت ياعم انت حر في نفسك. واحد سمع ان شيخ غلط ولا شاف غلطة لشيخ ولا حاجة خلاص وسبيك من الشيخ ده او سبيك من الشیوخ. خلاص انت اللي هتروح في ستين داهية. انت اللي ان شاء الله بازن الله اهل الشبهات هيمسكوك لحد ما يضيعوا لك. دينك ودنيتك. انت حر. انما هو - 00:06:57

شمس مش معنى انك انت حصل مشكلة انك انت ايه بلاش تطرف. فيه تطرف اه فيه تطرف. يحتاج يتعالج اه يحتاج يت تعالج. المسئول عن كان علاجه اولا هو الدعاء الى الله. والناس اللي بتتكلم في تدبر كتاب الله وسنة رسول الله صلى الله عليه وسلم. يبقى وان من الايه؟ مؤمنين - 00:07:17

ما تجييش باسم الدين تنزع عني الدين. لانك انت عايز تحقق اغراضك على انقاضنا. ما تجييش آآيتشارکلوا مع بعض في بلد من البلاد بعد ما كانوا بيجاهدوا مع بعض فطب الحل ايه؟ استحل دمك ازاي؟ استحل عرضك ازاي؟ استحل ان انا اتكلم عليك ازاي؟ استحل - 00:07:37

ادوس على رقبتك ازاي؟ استحل ان انا الغيك من ساحة الدعوة واتعصب ضدك. واسخر الناس اللي ورايا انهم يتعصبو ضدك ازاي؟ لازم شيطنك يبقى فتفاجئ ان فيه خلاف بيني وبينك مال الدين بالخلاف اللي بيني وبينك بنى ادم عنده مشكلة وبنى ادم عنده مشكلة. حصل مشكلة بينهم. انت فعلت كذا. وهل ائمة قالوا ان هذا - 00:07:57

ده خلل في العقيدة وان هزا فسق. اذا انت مختل العقيدة وانت فاسق. ايه ايه الجنان ده! ايه العقد النفسية والامراض النفسية والانحرافات النفسية اللي احنا بنلبسها سوب الدين. تديين المشاكل. تديين الخلافات - 00:08:17

يا عم واحد زالمه انه مشكلة واحدة ولا واحدة هي وجووها بلاش ندين المشاكل اللي بيننا. مشكلة وعدت وان طائفتان من الايه؟ مؤمنين هم برضو مؤمنين اه وحصل مشكلة ورفعوا السيف على ورفعوا السيف على بعض. قال لها طب وبعدين؟ وسبحان الله العظيم هيرجعوا هيرجعوا. وان طائفتان من - 00:08:33
المؤمنين اقتتلوا فاصلحوا بينهما. شف بقى ثاء فورا. يبقى دي اسمها روح ايه؟ روح المبادرة. روح زي ما قلنا فتبينوا روح المبادرة يبقى يبقى فاصلحوا بينهما. يبقى الصورة من الاخلاق اللي الصورة بتزرعها. روح المبادرة والايجابية. انك انت ما تشوفش واحد بينقل خبر كده - 00:08:53

انت في النص وتستكت له قم واتكلم. هو انت جبت الخبر ده منين؟ هو انت ما تشوفش اتنين اخوة بيتشارکلوا مع بعض. او اتنين اخواتك بيتشارکلوا مع بعض وتسكتي. انت شيطان - 00:09:13

خلاص انت انسان مجرم زيك زيهما بالزيط وكلنا هنتحرم من الفتح بسبب اي مشكلة فلازم يبقى عندنا ايجابية في التعامل مع المشاكل. فاصلحوا مش في اصلاح فايه اصلاحه واو الجماعة. يبقى دي مسئولية الجميع. لان الكل هيتعاقب هو احنا الوقتي التيار الاسلامي منزوع منه البركة ليه؟ احنا - 00:09:23

اطلع روحنا في المجهود الدعوي. الدعاء ما بيناموش. والاخوة المجتهدة ما بتتنامش. الا ما فيش بركة في الجهد ليه؟ قلوب الناس نفرة عنا ليه؟ اللي قاعد في المسجد ستين في المية منهم الناس متزمرة وقليل اللي تلقي شاب آآمش متدين او بنت لسه جديدة وجایة - 00:09:43

وعايزه قلوب الناس مش مقبلة علينا ليه؟ حتى اللي عايز يتدين بيروح يتدين برانا. ليه؟ لان احنا فينا وبين بعض قلوبنا فيها مشاكل. تجاهم بعض لما قلوبنا تصفي لبعض ربنا سبحانه وتعالى هييعمل ايه؟ هيجمع قلوب الناس حوالينا. عشان كده سورة ايه بعد سورة ايه؟ سورة الجمعة بعد سورة ايه؟ الصف - 00:10:03

اما بقينا صف وحطيت ايدي في ايدك كأنهم بنيان مرصوص وحبيبا بعض. ربنا جمع قلوب الناس حوالينا. يبقى نفور الناس عنا. وعدم البركة في الجهود الدعوية اللي بتنزل وعدم اتيانها بثمرتها. بسبب ايه؟ بسبب عدم صفاء قلوبنا تجاهم بعض. فاصلحوا - 00:10:23
كذب. اصلاحوا دي للجميع وفاء فوريها. ودي مش المرة الوحيدة فاصلحوا بينهما. طيب فان باعث احدهما على الآخر فان فائت برضه السطر اللي بعدها فاصلحوا بينهما بالعدل. بس اول مرة ربنا قال فاصلحوا بينهم. طب جيت تصلي - 00:10:43

وواحد افترى على اخوه ها ربنا قال لك اقف له فقاتله التي تبغي. قال لا ده التي تبغي دي مؤمنة برضو بس لازم تقف له. احيانا فيه قرارات جراحية يعني لسانه طويل على اخوانه. لازم يتوقف معه وقفه. هيزعلي يا عم ما يزعلي ما يخبط راسه في الحيطه. طب مفروض نفسيتك دي تبقى نفسية سليمة - 00:11:00

اتخبط في الحيطه كده ترد تاني. تتحط على الكتبة ويتقاول لك خليلك كدهو لحد ما نرجع. ترجع كده تلاقي الاخ لسه قاعد لازم تفهم ان الدين مش بس انك تصلي وتصوم. الدين انك تدوس على نفسيتك. الدين ان دينك يغلب نفسيتك هو ده التدين. المتدين اللي دينه بيغلب نفسيته ساعة - 00:11:20

غضب سعة النفسنة وساعة الزعل وساعة المشاكل. والانسان السيء اللي نفسيته بتغلب دينه. الزوجة السيئة اللي نفسيتها بتغلب مع جوزها ما تتكسرلوش. ما تروحلوش لما يزعلي ولا تزعل منه تقول له هذه يدي في يدك. لا تأذوقوا غمضًا حتى ترضي. ده الزوج - 00:11:40

السيء اللي نفسيته بتغلب دينه وينفسن ويتجبر على مراته ويخاصمها بالأيام. وهي مش فاهمة فيه ايه. الأخ السيء والأخت السيئة اللي نفسيتهم بتغلب دينهم وهم بيتعاملوا مع بعض. المتدين اللي دينه بيخليله يدوس بالجزمة على نفسيته. انا ه فعل ما يرضي - 00:12:00

لا. انما احنا احنا ضيعنا الدنيا. احنا خربنا الدنيا. احنا نفسياتنا عملناها دين. انا نفستي حاقدة عليك يا عم خير منك عشان انت قريني ولا لازم احولها لدين. اهو شفتم الخطأ ابدأ بقى اطلع لك خطأ. عشان اقول ان الموقف بتاعي منك ده دين - 00:12:20
ده ده مش آآ ده انا خلافي معك ديني. ايه ده! ايه الجنون ده! لحد ما قطعنا الاواصر بينا وبين بعض وبقت والعياذ بالله. بقينا فين فين الحب اللي بينا المفروض لما نتقابل كده؟ الجو كله حب. الجو كله ود. حقت محبتي قول معى. للمتحابين في. الاول - 00:12:40

الحب وحقت محبتي الى الله اوجب على نفسه حب من يفعل هذا. وحقت محبتي للمتباذلين في. ان انت تروح تنقط اخوك وانت مش عايزه يديك حاجة. انك انت عارف ان اخوك عنده تلات اربع عيال وداخل مدرسة. يعني الفين جنيه في جيبك ولا حاجة. ما هو فيه ناس مصرة يا جماعة وفيه ناس ما عهاش حاجة - 00:13:00

حاجة وفيه ناس معه كتير قوي قوي. يعني بفضل الله سبحانه وتعالى. يا عم الفين تلات تلاف جنيه واديهم لاخوك. اه الفين ايه يا عم في ايه! ايه يا عم مش انت معك! هو انا باكلمك انك انت فقير - 00:13:20
انت معك. يا عم اخوك غلبان يا عم لو ما عكش غير مية جنيه للمتباذلين في. يا عم اشحن له المحمول بتاعه بحاجة. يا عم انت عارف ان اخوك عرييته على قده وحاجة - 00:13:30

فكة صغنة كده احلف بالله لا ادخل بنزينه وفولها له. للمتباذلين في. يا عم اخوك هات له هدية. ادي له فلوس. لما تحس ان هو في ازمة عايز يتجاوز يا عم اسنده يا عم لو انت راجل معك مسلا مبلغ ولا حاجة ادي له عمك خمس تلاف جنيه عشر تلاف جنيه ما تقطرش حقك محبتي للمتباذلين في - 00:13:40

وحقت محبتي للمتواصلين في. للمتواصلين يا عم اتصل يا عم اتصل وود واوصل الناس. ابعث له رسائل واتصل به واتكلم معه احقت محبتي للمتزارعين في. انزل ورح زوره. وضح من وقتكم عشان اخوك. هي الاخوة لعبة - 00:14:00
الاخوة الاباء ده اهل الدنيا بيقول لك الحب بهدلة. هو احنا عايزين الحب بتاعنا جزار الله خيرا يا اخي وابقى قابلي ان شاء الله ان شفت وشي في اي ازمة ولا زنقة - 00:14:18

وقفت معك في اي حاجة. انت راجل تناافق. انت لست متدين. انت دعي. انت شعرتين طلعوا في وشك. وغر مبروك وفكروك انك متدين والتدين مش بس شعرتين طلعوا في وشك. التدين سلوك مع اخوانك. التدين سلوك اخوة عملية. انما المؤمنون - 00:14:28
ايه ها انما اخوة اخوة ولا اخوة اخوة بالكاس هو ايه الفرق بين اخوة واخوة؟ اخوة اللي هي اخوة اخوة العقيدة بقى اخوة اخوة النسب. في سورة اجرات ربنا عبر عنها بايه؟ اخوة وجاء ايه؟ اخوة يوسف لان اخوة نسب. فجت بالكسر. هنا جت بالنفس -

اللّفظ اللي جه على اخوة النسب لان اخوك ده لحمك ودمك. يعني انت ومالك لأخيك. اخوك ده لحمك ودمك انما المؤمنون اخوة. ايه
ده انك انت تفهم يعني ايه اخوة عملية؟ حقت محبتي للمتحابين في. في في الله. وحقت محبتي - 00:15:12

ما هو الاخ يقول لك احنا بنحب بعض في الله. فخرجنا ناكل ورحنا انفسحنا ولعبنا كورة. حبيب قلبي دا للمتحابين. انما المتحابين
ايه؟ في يبقى انتم جزء رزق كبير من وقتكم مع بعض في طاعة. في مدارسة قرآن في حفظ قرآن في سهام لدروس علم. لما تتقابلا
مع بعض ما تقدعواش تهقوا. لأنما تتقابلا مع بعض تعلموا ايه؟ يبقى فيه - 00:15:31

جزء مسلا نص القعدة بتصلوا بتذاكرها صورة من سور القرآن. بتسمعوا درس من الدروس لاحد الدعاة. يبقى بتروحوا تدبر بتروحوا
مقابر جولة ويأتم نص القعدة يا عم روحوا كلوا واشربوا واتفسحوا وشهيصوا نفسكم. انما يبقى ايه؟ الاساس هو الدين. حق
محبته للمتحابين في - 00:15:51

وحقت محبتي متزاورين في. مين اللي بيعملها؟ وحقت محبتي للمتواذلين في وحقت محبتي للمتواصلين في. وحقت محبتي ها
متجالسين للمتجالسين في يبقى دية اسباب لحب الله سبحانه وتعالى. ان ربنا يحبك. ان احنا نعمل جلسة ايمانية في مسجد. ان احنا
نعمل جلسة زي بنتو عيلا نشجع بعض في في القرآن ومدرسين - 00:16:11

وحفز القرآن ده ده الدين يا اخواننا. انما ما جزاكم الله خيرا يا اخي وفي الاخر لا تلاقيه في زنقة ولا تلاقيه بتاع ولا تلاقيه سند. ويخلع
ساعة اي اي عبادة ولا اي حاجة فيها طاعة ويخلع ساعة اي موقف تحتاجه فيه. يا ابني انت بتشتغل نفسك - 00:16:41
احلق دقنك بقى يعني من باب بقى قل ان كان للرحمٰن ولد بقى. رح على دقنك واجه حقيقتك. انت واحد لو شلت دقنك هتلacci
تسعين في المية من الناس اللي ماشي في الشارع ده انا اقوى - 00:16:57

منك اصلا. وبيعملوا حاجات انت ما بتعملاهاش. انت ما تضحكش على نفسك. واجهوا بعض بالدين الحقيقي العملي. القرآن بيتكلم عن
الدين الایه؟ الدين العملي اعرض نفسك على هزه الآيات. انت لما بتشووف مشكلة بين اخبيين بتتدخل لأ وحواليك مشاكل اه يبقى انت
عندك ناقص في دينك. طيب فاصلحوها - 00:17:07

انهما فان بفت احداهما على الاخر في الاول ربنا قال فاصلحو بينهم. طب وواحدة بفت بقى وانت وقوف وفاعت لامر الله.
فان فائت فاصلحوها بينهما ايه؟ بالعدل. اول مرة - 00:17:27

ربنا ما قلش بالعدل. اول مرة فاصلحة. تاني مرة بالعدل اول مرة ما كانش لستة حد بقى على الثاني بقى وصمم بقى وجائز عمل. اول
مرة عادي يا عم اخوك وحبيبك ويأتم خلاص يا عم انت استلف خير. انت - 00:17:41

استلف منك الف جنيه وما بيردش. طب رجع له خمسمية. وانت يا عم خلاص شل خمسمية اخوك غلبان برضه خلاص يا عم. يبقى
اصلحه. بالفضل. انما لو حصل بغي بالعدل لأ تعال بقى حقي وحقك لان انت الاثنين ما تستاهلوش الفضل بتاع الاخوة. لما انت ترجعوا
اخوات صح تبقو تستاهلوه. فتاني مرة جت بالایه؟ فاصلحة - 00:17:55

بينهما بالعدل. بعد كده الایة اللي بعدها انما المؤمنون اخوة اخوة اصلحوا بين اخويكم. يبقى تلات مرات فاصلحوها فاصلحوها اصلحوا
ثلاث مرات في ايتين. تلات مرات فاصلحوها فاصلحوها ربنا بيأمرك تلات مرات. وبعد كده نشوف خلافات ما بين بعض وما حدش
يتدخل - 00:18:15

يعني ربنا يصلاح لنا ديننا يا رب. اللهم اصلاح لنا ديننا الذي هو عصمة امرنا. وسمسي نفسك متدين. وانا مسمى نفسي متدين. يا اخواننا
عايزين نواجه نفسنا بالدين العملي هو ليه الناس بتتنفر من القرآن؟ لان القرآن كلام عملي. بيحاكموك لدينك بحق و حقيقي. بمقاييس
عملية. يبقى فاصلحوها التلاتة بالفأء يبقى فورية التدخل. فور - 00:18:35

قرية التعامل اه روح المبادرة والتلاتة بواو الجماعة يبقى الايجابية من الجميع انك انت ما تشووف مشكلة وتسكت مين ينفر ربنا
سبحانه وتعالى مش فارق بقى الاثنين دول مشايخ ولا الاثنين دول دعاء ولا الاثنين دول اخوة صغيرين هو الفيروس لو دخل هينتشر.
يبقى لازم يتواجه من قبل - 00:18:55

المفروض لما نتقابل مع بعض يبقى في جو من الحب. انما انا حاسس ان انا قاعد قدامي مجموعة من الغرباء. مش عارفين بعض.
مش بيحبو بعض. مش بيؤثروا بعض. مش ده بيحط اللمة في بق - 00:19:15

ده وده بيحط البسكوتة في بق ده. وده بيعطر ده. وده بيحضرن ده. عايزين جو الدين اللي ربنا اتكلم عنه في سورة الحجرات. جو
البيت حج حجرات داخلية بس هو بيت واحد. جو البيت الواحد والاسرة الواحدة - 00:19:25

فاصلحوا بينهما. فان بقت احدهما على الاخر فقاتلوا التي تبغي حتى تفيء الى امر الله. يعني احيانا في حلول شديدة؟ اه احيانا في
حلول رادعة. ايوة احيانا في اسلوب للتعامل انت عارف ان هو ملتزم بس هو عايز ايه؟ طبعا مش حضرتك اللي هتعمل معه كده.
اللي يعمل معك ايه شيخه؟ اللي يعمل كده معه المربى بتاعه لان احيانا بعض - 00:19:41

الاخوة ودي مصيبة. احيانا بعض الاخوة بيتقمص دور الشيخ بتاعه. انا شفت ناس من كده والواحد يعني لا انا ولا كثير من الناس
يبقى طايق انه يتعامل معه اصلا واحد مسلا راح لشيخ مسلا مربى له شخصية زي الشيخ يعقوب مسلا. فالشيخ يعقوب هو شخصيته
قوية جدا. يقول لك انت لابس الطاقية دي ليه؟ اقلع الطاقية دي. انت مربى شعرك؟ احلقه - 00:20:01
انت فانت ده الشيخ يعقوب. لما يقول لك كده ايه اللي انت مدخل القميص جوة طلع البتاع ده يا طلق؟ هو ده الشيخ يعقوب ده
شيفي. ده شيخنا ده ده - 00:20:21

ده والد لنا فانت يقوم الاخ يبص كده ينهر بشخصية الشيخ يقوم ايه انا بقى متهدأ له انه لو ضرب الداء انا بقيت الشيخ يعقوب يقوم
يروح المسجد في بلدتهم ولا في قريتهم. انت لابس كده ليه؟ انت يوم الناس انت مجانون يا ابني! يا ابني دهشيخ يعقوب كله يبص له
وهو مستنكف منزره اصلا - 00:20:31

يا ابني انت انت لابس جلابية واسعة اوی عليك منزرك وحش يعني وشكلك بايخ قدام الناس كلها بس ما فيش حد عايز يتعرض لك
بقي. يعني لما تلاقي نفسك بتغلط واللي حواليك ما بيتتقدىش اعرف انك رخيص - 00:20:51
في عنبن الناس فابداً صلح شوية بينك وبين الناس. يعني يعني دي مش علامه ايجابية. فانت تلاقي خلاص انت بتعمل ايه؟ فما
تلبسش جلابية شيخك. لان انت مش شيخ انت اخ بتتربي - 00:21:04

ما تلبسش جلابية شيخك شديد انا شديد. شيخك آآا بيعمل حركات معينة تقوم تقلد حركات. بتقلدوا حركات بعض ليه؟ يا عم
انا لو قاعد دلوقي قدامك ما تقلدش حركاتي - 00:21:18
احنا التلميذنا على ايد شيوخنا ولزمنا اقدامهم. عمرى ما قلدت حد من شيوخي. بفضل الله سبحانه وتعالى. ليه؟ كن نفسك كن نفسك
وعيش مرحلتك. وخد اكبر وقت لحد ما تتربي - 00:21:28

لانك يوم ما ربنا هيستعملك هتبقي خلاص مش هتعرف ترجع لورا يعني خليك اخ. خليك لآخر لحظة في عمرك اخ. فقاتلوا التي تبغي
حتى تفيء الى امر الله. ما تروحش بقى تعمل لي المربى بتاع الاخوة وبتابع. لآ انت في - 00:21:44
لو حد عنده مشكلة تروح للايه؟ تروح للي اكبر منه فانت فائت فاصلحوها بينهما بالعدل واقسطوا. بالعدل واقصدوا ايوة لان خلاص ايه
حصل تجاوز لا لا. يبقى هنا ما قريتش بالفضل هنا بالعدل الصح يتعمل - 00:21:58

ان الله يحب المقصدين. انما المؤمنون اخوة. فاصلحوها بين اخويكم. واتقوا الله لعلكم ترحمون. انما المؤمنون اخوة. كلمة كبيرة يا
جماعة انك انت تفهم ان كل اخ قاعد حواليك الوقتي في المسجد وانت كل اخت قاعدة حواليك في المسجد. فرصة للوقوف على
منبر من نور في ظل - 00:22:13

عرش الله. فاهم ده ولا ما انتاش فاهمه؟ فاهمه مستوى الكلام ده ولا مش مستوعبه؟ انك تفهم ان كل اخ من اللي حواليك ليلة قدر
مفتوحة. ليلة قدر مفتوحة. الرسول عليه الصلاة والسلام يقول لان امشي مع اخي في حاجة له احب الي من ان اعتكف في مسجدي
هذا شهرا. المسجد النبوي بالف ضعف. شهر - 00:22:33

يعني الف شهر احب الى النبي انه يقضى مشوار مع اخ من من المسلمين احب اليه من الف شهر في المسجد النبوي. يعني انت الف
شهر عبادة يعني ليلة القدر ما ليلة القدر خير من الف شهر. يعني ليلة القدر بتتحجي مرة في السنة. اخوك ليلة قدر اربعة وعشرين ساعة

في اليوم تلتمية خمسة وستين يوم في السنة. لو - 00:22:53

انت قضيت معه اخ جاي من آآ بلد تانية وجاي هنا المنصورة وعايز يقضي مصلحة. قعد اخواني قعد يلف معه ويدور معه الحاجة اللي بيعملها. فراقي جاب بيقول يا اخي انا جاي من بلد مليان الاف الملتزمين. انا اول مرة في حياتي اشوف التزام عملي. هنا في البلد دي اول مرة في حياتي اشوف التزام عملي. فهو ده الللتزام - 00:23:13

العملي الللتزام العملي. اخ اللي يقف في الصف الاول ومصمم وييجي اخوه ينهره ده مكانى ده انا يا ابني لو انت مش فاهم ان اخوك اعظم عند الله من الصف الاول بيقى انت ما انتاش فاهم دين. لو انت قهرت قلب اخوك عشان حاجة. انت ما انتاش عارف توزنها. اخوك ده لحmk ودمك. اخوك ده - 00:23:33

بيقى انت لازم تفهم قيمة اخوك فاهمة عملي. مش فاهم مشاعري. عشان كده العلماء قالوا آآ يعني ان الاخوة الاخوة درجات يا اخوانا منبر النور في ظل عرش الله اي المنبر دا تلات درجات. كذلك منابر النور - 00:23:53

تلات درجات. ببقى الطريق الى منابر النور فيه تلات سلاسل. السالم تلات درجات اللي هي منابر الاخوة. الدرجة الاولى اخوة المسلمين الحاجة الثانية اخوة المؤمنين. الدرجة الثالثة اخوة المحسنين. اخوة المسلمين عاملة زي اخوة الشباب اللي قاعدين على القهوة دي. ها اللي هو الشهامة انك تبقي شهم معقول - 00:24:12

ان اخوك لما يحتاجك يلاقيك. بيقى دي ايه ؟ اخوة المسلمين ده الدرجة الادمية اصلا. طب الان الدرجة الاعلى اخوة المؤمنين. قال رسول الله صلى الله عليه وسلم مثل المؤمن - 00:24:32

في توادهم وتعاطفهم وتراحمهم. كمثل الجسد الواحد. مثل الایه ؟ المؤمنين. بيقى دي اخوة في توادهم الود غير الحب جعل بينكم مودة مش حب. من اسباب الطلاق ان الرجل بيحب السيدة والست بتحب الرجل بس ما حدش بيود الثاني - 00:24:42

الود هو الترجمة العملية للحب يجيب لها هدية يجيب لها وردة يقول لها بحبك يفسحها يخرجها يتصل بها وهو برة بيقى ده اسمه ود. انما مشاعر جوة القلب بس دي اسمها حب - 00:25:02

عشان كده عند النصارى الله محبة لأ احنا عندنا الله الودود. لأن ربنا مش بس بيحبك وبيديك. فالود اعلى من الحب الود والترجمة العملية الحب فانت يعني سبحان الله العظيم - 00:25:12

في توادهم انك تود اخوك توده بالزيارة توده باتصال توده بكلمة حلوة وتعاطفهم. عارف المعطف اللي انت بتلبسه يحميك من المطر انك تبقي مайл اخوك تعاطف ان انا عاطف انا رايح ده مشوار. بس انت عندك مشوار تحتاج ان انا اتعاطف واحد عشانك انت واحد عشانك. هاغير خط سيري عشانك - 00:25:25

وتراحمهم نرحم بعض. الرحم بيبلفك من كل اتجاه. اخوك يحوطك من ورائك. كمثل الجسد الواحد ده اخوة المؤمنين. الدرجة الاعلى المحسنين اللي هي قالوها لسيدنا يوسف انا نراك من المحسنين لما قال لهم لا بعدها قال لهم لا تثريب عليكم اليوم ازوه كانوا عايزين يقتلوه رموه في البئر ضيعوا له شبابه في السجن كانوا السبب ان هو - 00:25:45

باخر بهدلة في شبابه وفي الاخر لا تثريب عليكم. ولا هقول لك لا تسريب اي لا لوم ولا عتاب. ولا هلومك اصلا ولا هعاتبك دي اسمها اخوة المحسنين بقى ان انت صدرك صافي تجاه اخوك مهما عمل. انك انت ما تقعدش تزله عشان كان فيه اتنين اخوة كده. كل ما بييجوا يتصالحوا الثاني يقول للاولادني لا وانا - 00:26:10

اصالحك. بعد ما عملت في كزا وكزا وكم. من العلاقة بينهم خربت. يا عم لا تثريب عليكم اليوم. يا عم ما تقعدش كل ما ابوك يجي لك يصالحك تطلع له روحه في كشف حساب قديم على القديم والجديد. يا عم عدي. يا عم سامح عشان ربنا يسامحك. الا تحبون ان يغفر الله لكم - 00:26:30

فاعفوا واصفعوا الا تحبون ان يغفر الله لكم؟ قد سامح اخوك ربنا هيسامحك. اهل الدنيا بيقول لك الحب بهذه. اتبهدل عشان اخوك بيقول لك الحب انا لو شفت عيوبك ابقي ما بحبكش. لو شفت عيوبك انا ما باحبكش. المفروض انك تتعمى يا اخي. فلان ده يا اخي غلس يا سبحان الله! ده ده لزيز هو بيحب - 00:26:50

هو الحب اعمى. فالحب الحب مكلف. يبقى الحب في الله انك تتكلف عشان اخوك وتزور اخوك وتدلي لاخوك وتقف مع اخوك تسند اخوك وتسامح اخوك وتستحمل الد بش من اخوك وتتکسر لاخوك وتتغير عشان اخوك. وتعدي لاخوك. وتحرص على اخوك -

00:27:10

وتقول الكلام الحلو الطيب لاخوك هو ده الاخوة يا اخواننا. انما اللي احنا بنعمله ده ده اشتغالات. مش دي اللي هتجيب اللي ربنا بيعودنا به ده لان مش ده اللي ربنا طلبه مننا. انما المؤمنون -

00:27:30

اخوة الواحد لما بيقرأ احاديس الاخوة في الله حس ان احنا بنتكلم على حقك محبتي وفي حديث اخر وجبت محبتي للمتحابين في حب الله الله على قد ما تحب اخوك ربنا يحبك. قال رسول الله صلى الله عليه وسلم اوثق عرى اليمان. يعني الجلابة دي الزراير دي البتاعة اللي ماسكة -

00:27:43

الزراير اللي داخلة فيها الزراير دي اسمها العرة العروة. اوثق عرى اليمان يعني اليمان ده قميص. قلبك لابسه. القميص ده لازم يتزرر عشان ما يطرش. رياح الفتنة ما تطيروش. اكتر زرار ماسك قميص اليمان على قلبك. اوثق عرى اليمان الحب في الله والبغض في الله. الحب في -

00:28:03

في الله انك تحب اخوك اللي جنبك. انك يبقى قلبك مليون حب لاخوانك اللي قاعدين. ان قلبك يبقى مليون حب لاخواتك اللي حواليك. ده اوثق عرى اليمان. اللي واصل لده قميص -

00:28:23

اليمان مش هيظير من على قلبه في رياح الفتنة. قال رسول الله صلى الله عليه وسلم ما تحاب رجالان في الله الا كان افضلهما الاعلى في المقام عند الله اشددهما حبا لصاحبته. يبقى مين احسن واحد عند ربنا في المسجد ده اكتر واحد بيحب اخوانه وهم قاعدين الوقتي. اكتر واحد في قلبه حب وعاطفة تجاههم. هو ده -

00:28:33

افضل افضلنا عند الله سبحانه وتعالى. قال رسول الله صلى الله عليه وسلم ان الله ينادي يوم القيمة. الله جزاكم الله خيرا. ان الله ينادي يوم القيمة اين لجلالي اين المتحابون لجلالي؟ احساسه بجلال الله خلاه يحب اخوه وخلاله يتمسك في اخوه لانه عرف ان ده رفيقه في الطريق الى الله وهو محتاجه -

00:28:53

اين المتحابون لجلالي؟ اليوم اظلمهم في ظلي يوم لا ظل الا ظلي انت ممكناً ساعة شغل في قافلة خيرية ولا في الدعوة الى الله مع اخوك آآساعة شغل يعني ما يوقفكش في ظل عرش الله. انما ساعة حب بينك وبين اخوك -

00:29:13

توقفك في ظل عرش الله. ده سواب الحب. الحب والاخوة هي الشجرة. والشغل والتعاون هو الثمرة. احنا دايماً يقعد فلان مع فلان. يلا نتعاون يلا نحب بعض الاول. لو حبينا بعض هنقرقش بعض الزلط. هو ليه معزم التعاونات ما بين المتدلين بتفشل في النهاية؟ لأنها مش قايمة على اساس حب. لو فيه حب -

00:29:30

هنعدل بعض وهنسامح بعض لو فيه اخوة في الاول. فالاخوة هي الشجرة والتعاون هو الثمرة. فالاخوة هي شجرة والتعاون هو الثمرة. قال رسول الله صلى الله عليه وسلم آآآآأ ده قال الله عز وجل ودي حاجة غريبة جداً يا اخواني في الله. حديث حقت محبتي للمتحابين في. حديث قدسي ولا حديث نبوي -

00:29:50

قدسي حديث ان الله ينادي اين المتحابون لجلالي اي يوم اظلمهم قدسي ولا نبوي قدسي حديث المتحابون لجلالي على منابر من نور يوم القيمة يغبطهم النبيون والشهداء. قدسي ولا نبوي -

00:30:12

قدس الله معزم احاديس الاخوة القدسية. لأن ربنا اللي بيقول يعني انتم واخدin بالكم كان ربنا اللي بيقول شوفوا يعني احاديس الاخوة ربنا جعلها قدسية جعلها بكلام الله انتم عارفين الفرق بين القدس والنبوة؟ القدسي كلام الله بالفاز النبي. عليه الصلاة والسلام -

00:30:29

اه غير القرآن كلام الله بايه؟ بالكلام الذي قاله الله سبحانه وتعالى. انما القدسي كلام الله ولكن بلفظ النبي غير النبوي. النبي ده علم النبي عليه الصلاة والسلام بالفاز النبي عليه الصلاة والسلام. فالقدس ده كلام الله. سبحانه وتعالى. فانت متخيلاً بقى ان كلها قدسية ليه؟ عشان ربنا يقول لك عظمة الكلام ده ليه -

00:30:49

يعني ايه يغبطهم النبوين والشهداء؟ عشان بيحبوا بعض. النبيين والشهداء يا ريتني كنت مكانك. ده ايه ده! على منابر من نوركم عمل صالح؟ انت شفته بيتقابل فيه الفضائل دي - [00:31:09](#)

دي الاخوة في الله. كما قال النبي صلى الله عليه وسلم ان من عباد الله عبادا يغبطهم الانبياء والشهداء. وجوههم نور على منابر من نور لا يخافون اذا خاف الناس. ولا يحزنون اذا حزن الناس. الا ان اولياء الله لا خوف عليهم ولا هم يحزنون. من هم يا رسول - [00:31:19](#)

رسول الله قال المتحاء الاخ قال المتحابون بروح الله. المتحابون بروح الله اللي قال لك القرآن والدين والإيمان. المتحبون اللي هو الحب في الله. يبقى حب على دين وعلى طاعة. مش حب هق وتضييع وقت مع بعض. لا استسمار للعلاقة في طاعة الله سبحانه وتعالى - [00:31:39](#)

وبرضو في الانبساط والفرشة وكل حاجة. لانهم اصحاب وحباب. المتحابون بروح الله سبحانه وتعالى. في قضية الاخوة قضية جدا. يعني زي ما ربنا بيقول انما المؤمنون ايه؟ اخوة. يبقى كل واحد منكم طوبة. طوبة. الطوب ده ممكن يبقى شوية طوب مرمي. ايه اللي - [00:31:59](#)

تخلي الطوب ده صف المونة المونة هي الاخوة. هي دي اللي بتحولنا لصف يبقى من غير رمونا احنا شوية طوب متزمي ما لو ش اي قيمة ولا يعمل اي حاجة. عشان كده النبي عليه الصلاة والسلام قال فساد ذات البين هي - [00:32:19](#)

الحالقة لا اقول تحلق الشعر ولكن تحلق الدين. لو انت عايز تحلق الدين من الواقع. لو انت عايز تنهي على الدعوة زي الوقت منظر كثير من شوارع احنا بنشووفها دلو قتي في بلادنا - [00:32:32](#)

افسد زات البيت. خلي الناس ما لهاش دعوة ببعضها. خلي الناس ما هياش مترابطة مع بعضها. بس الدين يضيع بركة الشغل فيه كله في البلد اللي انت عايش فيها للدرجة دي اه للدرجة دي - [00:32:44](#)

فاللي يفهم يعني قضية الاخوة ده انسان فاهم. انما المؤمنون اخوة فاصلحوا بين اخويكم. واتقوا الله لعلكم ايه ترحمون على قد ما هترحم اخوك على قد ما ربنا هيرحmk يبقى ده حزام الامان الثالث. منهج التعامل مع الخلافات. حزام الامان الرابع منهج التعامل مع - [00:32:56](#)

كل مسلم ومسلمة منهج التعامل مع اخوك بعد ما فكينا الاشتباك فكينا الاشتباك استنى ما حدش فيكم يروح ليه؟ لازم نعيد رسم الحدود بيننا عشان ما عدش يحصل مشاكل تاني. لازم كل واحد يعرف حدوده مع اخوه. فهنا بقى - [00:33:16](#)

توت الحمراستة والحتة دي خطيرة جدا. وعايزكم تحفزوها. الدرس بتاع النهاردة ده حفز. الدرس بتاع النهاردة ده هو الدرس ده ما بينزلش على الفيس. الوقت ما ينزلش على صفحة بينزل على قناة - [00:33:33](#)

يوتيوب القناة الرسمية آآ بتاعتي على اليوتيوب. تجيبيه وتجيبيه من على قناة اليوتيوب وكتبه كده وتحفظه. ده كلام اتحفظ يا اخواننا. سورة الحجرات دي لحياتنا دستور الكلام اللي انا قلتة من اول درس في دورة شيزوفرينيا اللي هي دورة قل لم تؤمنوا اللي هي دورة تدبر سورة الحجرات. الكلام ده حفظ. الكلام - [00:33:43](#)

ده حفظ واتمنى ان يعني ان شاء الله يعني ادارة يلا تشجع بعض تعمل امتحان في التفسير بتاع السورة والتدبر بتاع السورة للناس اللي هتقدر تجيب حتى لو اللي هيدخل تلاتين اربعين اخ واخت بس. حاجة عزيمة. بس دول هيبيروا فعلا ناس واحدة قضية الاخلاق بجدية. وواحدة قضية - [00:34:04](#)

اخوة بصورة عملية جدية الحزام الاماني الرابع اللي هي منهج التعامل مع كل مسلم ومسلمة. منهج التعامل بقى. ان كل واحد مننا له ست حواجز. اانا ما فيش حاجة اسمها ان - [00:34:24](#)

انا و محمد اصحاب. حمادة. ازيك ياض انت ياد ده ناس شاضلية قاعدة على قهوة يعملوا مع بعض كده ده ناس استغفر الله العزيم في في شارع تربية شارع يعملا مع بعض كده. ان اهلها ومالها. ده صاحبى. حببى صاحبك وحببتك بالاحترام. هو مين قال ان صاحبى وحببى - [00:34:37](#)

على قد ما اقدر اهزر بقى على قد ما يبقى صاحبى وحبيبى. هو مين اللي قال الكلام ده؟ ده اخلاق ايه وسلوك مين؟ خلينا راقبين رقى القرآن. كل واحد مننا له سمت - [00:34:55](#)

حواجز حوالى حقه. حدش يعديهم. ما فيش حاجة اسمها ان باسم الاخوة تهزقني قدام الناس. ولا باسم الاخوة تخطبني كلام. ولا انت لازم تتغير عشان تحافظ علي هو ايه اللي انت ما تستاهليش وانا لازم اتغير عشان احافظ عليك ولازم اعرف ان انت كل واحد منها له حدود في المجتمع الاسلامي كل واحد وكل واحدة - [00:35:05](#)

لهم سمت حواجز امان حوالىهم. ربنا جعلهم له. ربنا اللي نزله من فوق سبع سماوات. يا ايها الذين امنوا اية حداشر يا ايها الذين امنوا لان اللي هيقدر يطبق الكلام ده هو المؤمن - [00:35:25](#)

هي الناس المحترمة هي الایمان. يعني الايقونة هي الایمان من الآخر الايقونة هي الایمان. الایمان والقيمة. اللي مثقال ذرة منه ينجيك من الخلود بجهنم هو الایمان. فالالایمان والقيمة. فانت على قد ما انت عايز تقرب من ربنا - [00:35:38](#)

وتتفز تكاليف ربنا حصل الایمان واهتم بتربية قلبك وتحصيل الایمان. يا ايها الذين امنوا واحد لا يسخر قوم السورة احنا قلنا ان فيها كم لا عشر لئات حد يقدر يعضم لي بسرعة؟ يلا لا ترفعوا لا تقدموا لها - [00:35:53](#)

لا يسخر لا تلمزه ولا نساء ها لا تنابزوا لا تجسسوا لا يغتب ها لا تمنوا عشر لئات. الایتين اللي جايین اية حداشر واتناشر لوحدهم سمت لاءات منهم. في علاقتك - [00:36:14](#)

بينك وبين اخوك سمت لاءات. سمت خطوط حمرا لازم تاخد بالك من عارفين اللي ماسك مقص وقادع يهز بشجرة. الایات دي بقى ايه قاعدة تقصدك كده. خد بالك خد بالك عشان يبقى شكلك جميل. طب يعني لا يسخر لا تنابزه لا تلمزه لا تجاززه. كل المسلم على المسلم حرام. الایات دي بتفهمك ان الاصل في - [00:36:34](#)

التعامل مع اخوك الحرمة. مش الاصل في التعامل مع اخوك الاستباحة. اصل بتاع ازاي؟ طب كده مش هتبقى العلاقة بينا مكلكة يا ابني كده وهنحافز على بعض كده هنحافز على كيان بعض. ايه السمت آآ خطوط الحمرا يا ايها الذين امنوا واحد لا يسخر قوم من قوم عسى ان يكونوا خيرا منهم ولا نساء منكم - [00:36:54](#)

النساء عسى ان يكون خيرا منها. يبقى الحجاز يبقى الحاجز الاول آآ لا يسخر. لا يسخر دايما السخرية بتبقى بايه؟ من الشكل دائميا الواحد بيسخر من اللي قدامه مين شكله؟ يا عم انت انت لابس بنطلون فؤاد المهندس كده ليه يا عم انت هو انت انت اتريقت عليه واتريقت على واحد - [00:37:14](#)

يعنى انت انت بتتربيق على شكل ليه؟ انت ما لك يا عم! انا انا يا عم مبسوط ان انا لابس بنتكور وماشي في الشارع! انت ما لك انت مالك مش شرعى انت ايه دخلك انت للاسف اللي بيطبق الكلام ده الغرب - [00:37:34](#)

ما دام واللي قدامه لابس لبس بيقبله المجتمع طب يعني هنا بقى لبس فيه لبس شرعى يعني وفيه حدود. انت ما لك انت يا عم انا لابس اسود ولا لابس حزام بنسجي - [00:37:47](#)

انت ايه دخلك انت؟ انت ايه دخلك انت ما دام انا انا شكلي ولا لون اسمر ولا ابيض ولا شكلي نضارتي عامل زي نضارة فلان انت ما لك ولا بنطلون قصير ولا طويل - [00:37:57](#)

ولا لون الشراب يضحك ومش ماشي مع لون القميص ولا الجزمة بتاعتي مقطوعة ولا مش مقطوعة ولا بناتها جايهاهم معها وشكل لبسهم مش حلو ولا اكل بيتها مش حلو ولا شكل ابوه يضحك ولا شكل زي ما الشباب يقدعوا يتريقو مع بعض على على ابو ده وعلى مش عارف ايه وعلى شكل ده وعلى لبس ده وعلى شكل عربية - [00:38:07](#)

يا عم ده موبايل يا عم انت ايه الموبايل التعبان اللي انت ماسكه ده! انت يا عم انت! انت ما لك انت! تتربيق على شكل اخوك ايه! لا يسخر! يبقى اول خط احمر - [00:38:27](#)

بالنسبة لي اول خط احمر شكلي. شكلي ما لكش دعوة به. مش من حقك انك انت تتربيق على شكلي. ولا تتربيق على شكل عربى ولا شكل بيته ولا شكل ولادي. ولا شكل ابويا - [00:38:37](#)

ولا شكل لبسي ولا مش من حقك. يبقى اول خط احمر شكري ده ما فيش حاجة اسمها ان باسم الاخوة نقدر نتريقي على بعض دي سفاهة مش تعود واصلخنا متعودين على بعض متعودين على بعض ده بقى انت في القهوة. احنا هنا في في بيت ربنا احنا بنتكلم

كلام تاني - 00:38:48

طب اشمعنى النساء؟ لأن النساء اكتر ناس بتاخذ بالها من الشكليات. ف�性 النساء هنا. انما النساء داخلين في كل طبعا. انما لأن الشكليات بتخص النساء او اي او اي في النقطة الشكلية دي اختص النساء بها. اتق الله. ما لكيش دعوة بشكل احلك ولا شكل ولادها ولا لبسها ولا شكل جوانتها ولا حرقها ولا - 00:39:07

ما لكيش دعوة ولا شكل بيته ولا رحت لفلانة لقيت بيته منكوش وانت مالك انت؟ انت لا يسخر. رقم اتنين ولا تلمزوا اللمز هو تطليع العيوب. انانا اطلع العيوب فيك. ده تاني خط احمر. طب اطلع العيوب في ايه؟ صفاتك وطبعاك. يبقى تاني خط احمر - 00:39:27

صفاتي وطبعاعي ما لكش دعوة بقى انانا آلي لازمة كنا زمان بقى يعني يعني دكتور يدخل مسلا في المدرج فلو كلمة مسلا ايه لازمة في الكلام العيال يمسكوه يعني يقطعوه طول المحاضرة بالكلمة بتاعة الاذان. انت مالك انت انانا عندي فيه لازمة في كلامي. يخصك انت في ايه - 00:39:49

ولا تلمزوا انفسكم. ما تطلعش انانا عندي عيوب يا عم معمل التحاليل اللي انت فاتحه في دماغك معندي ده اقفله ما تعليش معمل تحاليل في دماغك علي. قاعد تحلني وتحلل طباعي وتحلل سلوكى. ممكن واحد مربى في بقية ايمان فيبيدا يحلل شخصية الاخ عشان - 00:40:09

يشوف لانه بيعالجه لأن ده دكتور ده وزيفته كده. ده دكتور دين دكتور. انما انت مع صاحبك انت محلله ليه واصل انت مشكلتك. اصل انت عبيك. اصل انت عندك يعني يعني النصيحة لها اداب. يعني حتى اللي بينصح بييجي يقول ايه؟ يا اخي والله ما شاء الله. ده انت - 00:40:26

انسان طيب ومؤدب ومحترم بس هو في حاجة انا بس حاسس ان ايه يعني لو هي فعلا موجودة بدرجة حتى لو بسيطة يعني ممكن تبقى ايه يعني يعني فهل انا ما اعرفش هي موجودة ولا لأ. بس هل انت بتعمل كذا؟ يعني يا عم هات المزايا الاول وبعد كده هات القصة اللي انت عايز تنصح اخوك فيها. انما ولا - 00:40:45

ميزو ايه؟ انفسكم. طب ليه مش ولا تلمزوا بعضمكم؟ لأن اخوك ده نفسك. لأن احنا نفس واحدة. فلما انت بتتشتم في مش انا صاحبك على اشكالها طاقة انت بتتشتم في نفسك. يبقى العيوب اللي انت بتطلعها في لولا ان انت العيوب دي فيك. اول حاجة انها فيك. انت ما كنتش عرفت تصاحبني - 00:41:05

تاني حاجة لولا انها فيك ايه بقى؟ لو حد ذكي يقول لي لولا انها فيك ما كتش خدت بالك. المرائي هو اللي بيلقط بتاع الشهرة مش عارف ايه تلاقاهم هم اللي استغفر الله العظيم يعني ربنا يحفزنا جميعا. هم اللي يتشاركون مع بعض ويقطّعوا بعض في في بعض - 00:41:25

كده اللي عنده مشكلة هو اللي بيلقط اللي عنده نفس المشكلة. اللي عنده عيب هو اللي بيلقط اللي عنده وبيقروا عينين بعض وبيفهموا بعض انت لما طلعت عيبي هو لأنه فيك اصلا انت فانت لولا ان هو فيك لو انت سازج مخمور القلب ما كتش خدت بالك. يبقى ولا تلمزوا انفسكم - 00:41:45

تبقي ايه صفاتي وطبعاعي خط احمر. بعمل التحاليل بتاع حضرتك ده لو سمحت اقفله. رقم ثلاثة ولا تنازروا بالألقاب. اسمي الخط الاحمر الثالث ما فيش حاجة اسمها بقى انك تطلع تريقة على اسم آلي صاحبك ولا تطلع لقب عليه يفضل طول عمره لازق فيه ويفضل هيتجن منه وانت اللي مطلعه عليه. ولا - 00:42:05

المنايفة يا عم يا عم الدمايطة يا عم. يا عم ده صعيدي يا عم! يا عم ده! هو ايه ده ايه الكلام ده؟ يعني احنا بقى ولا تنازروا بالألقاب ولا تنازروا. انت يعني النبز اللي بيحصل بينا بالألقاب ده انت بتحارب اخوك - 00:42:26

انت انت بتعمل ايه يعني انت بتستخدم الالقاب في ايه؟ المفروض اخوك ده اجمل لقب. اخوك ده ازيك يا باش مهندس فلان؟

باشمهندس ايه الزكاة يا دكتورة؟ اذا احترم اخوك يا اخي. عشان - 00:42:44

انت عشان تحترم نفسك استاز فلان. ازيك يا شيخ فلان؟ ازيك يا اخي الحبيب؟ اذا الملايكة بتندى الواحد باحب اسمائه اليه. شف احرب ازيك يا ابا فلان لو هو بيحب الكيبة بتاعته. ازيك يا ام فلانة - 00:42:57

ازيك يا دكتورة فلانة؟ ازيك يا بشمهندسة فلانة؟ انت احترم اخوك. عدم احترام الاخرين ده نقص فيك. انت لو انت انسان من جوة متوازن نفسيا ان انت تحترم الناس كلها - 00:43:13

كلها. وتحب الناس كلها وتحب اخوك ها هتحب دايما انك انت تعزمك. ازيك يا استاز فلان ازيك يا شيخ فلان؟ ازيك يا حاج فلان؟ ازيك؟ ولا تنازروا بالألقاب. بئس الاسم الفسوق بعد الايمان. الفسوق ايه؟ اللي بيسخر - 00:43:23

كلمز الاخلاق سوء الاخلاق يخليك فاسق بعد الايمان. ومن لم يتتب لم يتتب من ايه؟ قال بعض المفسرين من الل Miz. يعني فاولئك قوم الظالمون يعني الایة سمت سيء الخلق فاسق ظالم - 00:43:41

اسمه عند ربنا فاسق. ليه؟ لأن اخلاقه وحشة. يبقى لحد دلوقتي في اية حداشر تلات خطوط حمرا. الخط الاول الخط الاول شكلي الخط الثاني اللي هو لا يسخر. الخط الثاني - 00:43:58

صفاتي وطبعي ولا تلميذه. الخط الثالث الخط الاحمر الثالث اسمي ده ناس محترمة. يا ايها الذين امنوا دي اخر يا ايها الذين امنوا في السورة. بعد كده يا ايها الناس يا ايها الذين امنوا اجتنبوا كثيرا من الظن. ان بعض الظن اثم. يبقى ده الخط الاحمر الرابع - 00:44:14

نيتي ودي سبب المصايب كلها. مين انت؟ تيجي تكلم مع واحد اقول له يقول لي انت عملت كذا. اقول له ده انا عملتها لأن انا اصلا ما كنتش مش واحد بالله لا لا لا انت قصدك كذا - 00:44:33

هو انت حضرتك استغفر الله العظيم مين؟ انت ربنا يا عم وانا ما اعرفش انت ايه يا ابني انت ما لك انت! انت هتقرا نيتني ليه لا يحق لك لو انا قلت لك ان كان قصدي كذا انك انت تتهمني في نيتني اصلا. لا يحق لك. للأسف اللي بيطبق الكلام ده الغرب. في امريكا - 00:44:48

اللي اللي بيدخل امريكا آآ المفروض ان في اي دولة يحسب يكتب لك يختتم لك انت خرجت يوم ايه؟ عشان وانت داخل يعرف انت بقى لك قد ايه ما دخلتش البلد لان - 00:45:04

طبعا نظام الهجرة ونظام اعطاء الجنسية والكلام ده بيبقى خطير جدا. وفيه شروط انك تقعد خمس سنين ما تسيبشب البلد هناك ما بيختملکش وانت خارج سبت البلد وانت داخل يقول لك ده في المطار في مطارات امريكا. وانت داخل يقول لك انت اخر مرة دخلت امته؟ عشان يكتب لك. هم يعني سبحان الله! طبعا بقى انت عارف بقى - 00:45:14

العرب بقى لما رحم الله يعني انا ده انا لسه سايب امريكا اول امبراح عشان اخد الجنسية. وهو بقى له سنتين ما دخلش البلد اصلا عرفت ليه بياخد الجنسية؟ يعني للأسف الشديد. طب هم بيعملوا ايه؟ هو عارفين ان فيه ناس هتكتب. بس هم عايزين يربوا الشعب على اجتنبوا كثيرا على - 00:45:34

على السقة في بعض. على ان احنا ما نخونش بعض. ما نكبس بعض. يبقى رابع خط احمر نيتني. نيتني تسعن في المية من المشاكل عارفه اصل هو بيعمل كده. اصله عايز يسيطر. اصله عايز يبقى واد كبير. يا عم انت مين انت؟ يا عم انا بعمل كده لأن انا كان آآ كنت خايف عليك اصلا فعملت - 00:45:52

كذا عشان احافظ عليك في كذا. يا عم اعززني بالنية اللي انا قلتها. لا ده بيعمل كده. اصل هو عايز يبقى كبير. اصل هو بيحب انها تبقى حرية عشان هو اللي يدخل - 00:46:12

فيها اصل ايه ده ايه سوء الاخلاق والتردي في التعامل بينا وبين بعضنا؟ اجتنبوا كثيرا من الظن ان ايه؟ ان كثيرا من الظن اثم. ان بعض اجتنب كتير عشان بعض الزن اثم. يعني ايه؟ ده اللي بيسموه في الجراحة سيفتي مارجين. واحد عنده ورم في - 00:46:22 كبد الجراح لما بيجي يشيل مش بيشيل الورم ده بيشيل حته سليمة من حواليه كمان. ليه؟ يقول لك حاجز امان. فانت عشان تنجو

من المصيبة بتاعة سوء الظن دي - 00:46:40

انت لازم تشيل جزء كبير حاجز امان. اجتنبوا كثيراً. اواعي تسيب دينك على الحرف. ومن الناس من يعبد الله على حرف. طب واللي قعد على الحطار في فان اصابه خير اطمأن به وان اصابته فتنة انقلاب يحصل ليه؟ لانه متحرف. اهو بالزبط كده اجتنبوا كثيراً ما تسيبش نفسك على الحرف. اعمل حاجة - 00:46:50

امان كبير لدینك. ان بعض الظن اثم. يبقى الخط الاحمر الرايق نيتني. يبقى لغة الحوار ده الكلام الرايق بقى. اللي بين الناس الراقية.

لغة الحوار الجملة دي بتأسس لغة الحوار. تيجي دلوقتني لما تزعل تعمل ايه - 00:47:10

احنا في المجتمعات الجميلة بتاعتنا دي لما ازعل من لما مسلا هو بيبيص كده ليه؟ هو عمل كده ليه؟ شاف نفسه. اه. يبقى انا عملت اول مصيبة ان انا فتحت معلم التحاليل وبعد كده تاني مصيبة ان انا استنتجت انه انسان خبيث الدخلة. خبيث الطوية انسان وحش. جميل جداً. وبعد ما - 00:47:26

بقى وقت في المصيبة الثالثة ما رحتش اقول له اومال ايه؟ قمت واخد منه جنب. وقمت قافل. يعني عملت مصيبة كمان اني ما عملتش لغة حوار ورحت قلت له يا عم انت عملت كده ليه؟ يا عم ما تتكلم - 00:47:46

يا عم ما تنطق ايه الجن النفسي اللي الناس عايشة فيه ده! يا عم ما تنشئ لغة حوار. لما تزعل مني تعالى قل لي. ما دام مش عارف تسامحني قل لي. لما انا ابقي اتفقل منك قل يا - 00:47:58

يا عم ده فرعون ده ما بيعبس حد ينتقده. انما يا عم لما تزعل مني تعالى قل لي انا والله انت عملت كذا وانا متضايق منها. هقول لك والله انا اسف والله ما خدتني باللي. والله اصل انا - 00:48:08

انت كان بنتي تعبانة وكانت رايح مش عارف فين. وكانت باجري على مستشفى هاقول لك الدنيا تفهم. تقوم انت تصدقني. الجريمة الرابعة بقى في الاخر بعد ازنك بقى من مراتهها والمفروض ازاي انك انت ما تكتشفيش انا زعلان ليه؟ كمان مش عارفة انا زعلان ليه هي مصيبة القماص كده. ان هو ياخد - 00:48:18

اوقد نفسي وزعلان ازاي الناس مش فاهمة بقى ان هو زعلان. يعني كمان ما انتش فاهم يا ابني والله ما حد حاسس بك. انت فاكر ان انك انت قطب الدنيا اللي بتدور حواليك - 00:48:38

ما حدش مركز يا عم. يا عم اما تزعل مني قل. وما تقدرش تنفس من جواك بقى والدائرة السودة تاخد مجرها انت ده في الاخر بقى لما يضغط على نفسه بقى في الاخر. انت متضايق منك انك عملت كذا - 00:48:48

انا والله ما كانش قصدي ولا اعرف لا ازاي مش قصدك يا عم انت مالك خلاص انا باقول لك مش قصدي خلاص صدقني بقى نيتني دي خط احمر. الناس لو اتعاملت بهذه الاخلاق الرايقية ما حدش هيزعل من حد. لما تزعل تعمل ايه - 00:49:06

قول روح لي انت زعلان منه وقل. لما ما يقبلشي خلاص يا عم ما عدتش تعاته بعد كده. انما افرض ابل وانشاً لغة حوار. طب لما بيجي يقول لك انا ما كانش قصدي يقول لك - 00:49:21

كانت في الموضوع ايه؟ صدقوا والموضوع سهل. ليه عاملين نفسنا فراعنة ليه كل واحد فاكر نفسه فرعون لازم الدنيا كلها تبقى محاسبة له على كل حاجة. ولا تجسسوا الخط الاحمر الخامس ولا تجسسوا اللي هو ايه بقى - 00:49:31

خصوصياتي انا انسان من حقي بقى لي خصوصيات. موبايلي بيبرن. ما تقومش ضارب عينك في موبايلي. شايف مين اللي بيتصلك. انت ما لك؟ مين اللي بيتصلك؟ ها مرات بتتصلك بي عايزه اعرف انت مسجل مراتك ايه بقى ها حبيبة قلبي ولا اجمل قلب ولا انت مالك انت انا مساكن مراتي ايه تلاقي الناس كله بقى ايه - 00:49:46

دخله كم؟ بيكتب كم؟ هو جاب دي منين؟ هو اه شغال ايه؟ هو العربية بتاعته دي جاييها منين؟ هو انت ما لك يعني لو انت شاكل ان ان فلان بيتجادر في المخدرات ما تصاحبواش. لو انت شاكل انه خلينا مجتمع نظيف. نتعامل مع بعض بنفوس نظيفة مش نفوس مريضة - 00:50:07

بيزهه مرضها في السلوكيات اللي بينها وبينها وبين بعضها. خليك انسان سليم النفسية. ولا تجسسوا خصوصياتي واسرارني. اخ داخل على

اخوه الثاني في شق الطلبة قام دخل على الكمبيوتر بتاعه ودخل على مش عارف الباسورد جابه ازاي ولا عمل ايه. وقعد يدخل على من فاته. ايه المؤامرات دي! وتيجي تكلمه بيص لك كده - 00:50:29

ايه ده يعني يعني ولا تجسسوا اسراري وخصوصياتي ما لكتش دعوة بها. الحاجة اللي انا قافل عليها ديت بيقى معنها انك انت ما تعرفش منها. ستة ولا يغصب بعضكم بعضا. ولا يغصب بعضكم بعضا. ده الخط - 00:50:49

الاحمر السادس اللي هو ايه؟ غيبتي. يعني انت الوقتي ما تتربيتش على شكل قدايمى. ولا في غيبتي. ما تتربيتش على اسمى قدايمى ولا في غيبتي. ما تتربيتش على طباعي وصفاته قدايمى ولا في غيبتي. ما ما تتربيتش ما تتقدمش نيتى - 00:51:01

ولا في غيبتي ما تتقدمش اسراري تحاول تكتشفها قدايمى ولا في غيبتي بيقى ولا يغتب دي ان الخمسة اللي فاتوا ما لهمش وانا مش موجود. مش بس ما تعاملهمش قدايمى. وانا مش موجود. بيقى دي ست خطوط حمرا. الخط الاول هو قول الله ايه - 00:51:21
لا تجسسوا اللي هو شكلی لا بقى رکزوا معي عشان ايه انا قدايمى ادوات حادة ممکن استعملها. الخط الاول قول الله ايه ولا تجسسوا اللي هو ايه شكلی الخط الثاني لا يسخر يا اخي انت بتنسوا ليه يا اخي! يا عم رکزوا شوية. الخط الاولاني الخط الاحمر الاولاني لا يسخر اللي هو ايه - 00:51:41

الخط الثاني لا تلمزوا انفسكم اللي هو ايه؟ صفاتي وطبعاعي معمل التحاليل بتاع حضرتك ده. الخط التحمر الثالث ولا تنبازوا بالألقاب. اسمى الخط الاحمر الرابع اجتنبوا كثيرا من الظن اللي هو ايه؟ نيتى. انشى معي لغة حوار من غير ما تعمل لي المحقق البوليس الكولمبوس. يا عم امشي معه لغة حوار كده من غير ما - 00:52:02

انت اللي فاهم كل حاجة. عادي يا عم صدق اخوك. خلينا نصدق بعض كده بسهولة وخلاص. الخط الاحمر الخامس ولا تجسسوا اللي هو ايه؟ اسرار وخصوصياتي. الخط الاحمر السادس ولا يغصب بعضكم بعضا. اللي هو ايه؟ اللي هو غيبتي. اللي هو غيبتي. بيقى ده خطوط حمرا ستة لكل واحد - 00:52:27

مننا لازم نحافظ على بعض فيها. هيحصل مشاكل لو احنا عملنا كده ولا يغصب بعضكم بعض بعضكم هتحس ان فيه ناس بتنهش في بعض. احنا حاجة واحدة. ايحب احدكم ان - 00:52:47

تأكل لحم أخيه ميتا فكرهتموه. ايحب احدكم ان يأكل لحم ده ضد الادمية لان ده انسان تأكل لحمه ازاي؟ ده كمان ما طلعش مجرد انسان ده ضلع ايه اخوه بيقى دي المصيبة الثانية اللي مش بسبني ادم ده كمان اخوك. وكمان ما طلعش انسان واخوك ده طلع ايه؟ ميت. تلات جرائم بشعة - 00:52:57

تلات جرائم ضد الادمية ضد الدين ضد المروءة. تلات جرائم رهيبة بالترتيب كده. فكرهتموه. هو ليه ربنا جعل عقوبة المفتاح ان الناس تكرهه لانه دائمًا بيغتاب اخوه عشان يكره الناس فيه. فجزاء من جنس العمل ربنا يكره قلوب الناس فيك. خدت بالك؟ طب اجمع ما بين الآيتين بقى الآية اللي فاتت - 00:53:19

الثلاث خطوط الحمراء الاولانيين في اي حدasher. بئس الاسم الفسوق بعد الايمان بيقى عند ربنا اسمه فاسق. بيقى مكروه في السماء. طب وهنا فكرهتموه في الآية اتناس تلات خطوط حمرا تانية بيقى مكروه في الارض. بيقى سيء الخلق مكروه في السماء مكروه في الارض. شفت سوء الخلق بيوصل لفين - 00:53:39

والعياذ بالله واتقوا الله ان الله تواب رحيم. دائمًا باب التوبة بيتفتح ودائما بتشفوف التوبة جت في آية حدasher وجرت في آية اتناس لان دي زنوب هوب ليه؟ ومن لم يتتب في آية حدasher. ليه؟ ان الله تواب في اي اتناس. الناس مش فاهمة ان دي زنوب. الناس بيتهما لها ان الزنب انه يذني - 00:53:59

ندخل على موقع اباحي وهو مودي نفسه في ستين مصيبة بسبب اخلاق المعاملات بسبب فساد المعاملات بينه وبين اخوانه. ومش عارف انه لما اتريقة على شكل اخوه او على لبسه بقى عند ربنا فاسق. ومش عارفة ان هي لما قعدت تتكلم على الطياع بتاعة اختها وحسستها ان هي ضايعة بقت عند ربنا فاسقة - 00:54:19

وما هوش عارف انه لما اتربيق على اسم اخوه وطلع عليه لقب بقى عند ربنا فاسق ولو ما تابش بقى اسمه عند ربنا فاسق زالم. مش عارفة ان هي لما قاعدة تتجمس على اختها - 00:54:40

ودخل اختها وهي عندها كم كيلو لحمة في التلاجة. وهي جابت البتاعة دي منين ؟ وجوزها بيكسب ايه وهي العباية دي بكام بقى وجايابها من محل ايه بقى ولازم اعرف شنطتها دي من محل ايه بقى. ولازم اعرف بقى جابت لولادها هدوم العيد منين بقى. ولازم اعرف بقى - 00:54:50

القروبة دي بتروح فين بقى وبتتفسح مع جوزها فين ولازم اعرف بقى الموبايل اللي جابه لها هدية ده جايبيه لها بكام ؟ ولازم اعرف بقى اللثيمه دهي الخيسة اللي عايزه تخبي كل حاجة علي، انت ما لك ؟ - 00:55:08

انت ما لك انت ! يبقى لو نيتك اه انت اللي عملته ده اصل انت بتكرهني. اصل انت عايز تعمل نفسك فيلا. اصل انت عايز رسم انت عند ربنا فاسق - 00:55:21

بسبيب هزا الكلام عشان كده ربنا يقول واتقوا الله واتقوا الله يعني هزه اخلاق يترب علىها النار. والعياذ بالله ان الله تواب. يبقى تواب. تواب ليه ؟ لأن دي جنة ونار. مش بس. وده - 00:55:34

من قصور التربية اللي عندنا. ان احنا موصلين قعدنا نتكلم عن الزنا. والموقع الاباحية. والواد والبنت لحد ما تلقي الملتهم المنتقم -
تبقى يا عيني تمشي في الشارع لو جه من بعيد طب انت الحمد لله هزا العفاف العظيم ولسانك الله بارك سيف مسلطة - 00:55:46

على اخواتك في الغيبة والنفيحة. طب هي يعني ده ايه اللي علمك الدين ده ما علمكيش الدين ده ليه وتلقي الاخ ينزل الجامع ازمه الشهوة والبنات في حين ان فيه قضايا اخطر هزه القضايا خطيرة جدا. فيه قضايا اخطر ميت مرة في الدين - 00:56:06
احا سوء اخلاقه مع الاسلام ومع الدين ومع وسوء اخلاقه مع اخوانه ومضيعها ومش حاسس ان ده دين. فيه هنا تواب وليه هنا ومن لم يتتب ؟ وليه لفظ الفسق وليه لفظ الظلم وليه لفظ اتقوا الله وليه فكرهتموه ؟ وليه بئس الازم الفسوق ؟ وليه مكروه في الارض مكروه في السماء ؟ الايات مليانة ترهيب رهيب. وليه - 00:56:22

اثم ان بعض الظن اثم. وليه يأكل لحم اخيه ميتة ؟ الايات مليانة ترهيب رهيب. ليه ؟ لأن الناس مش فاهمة ان دي زنوب الناس مش فاهمة ان تعديك على الغرب هو اللي بيtalk الوقتي على ان حريرتك تنتهي عند حريري. الغرب هو اللي بيtalk الوقتي على ان كل واحد له - 00:56:44

حقوقه في المجتمع الكلام ده من الف وربع عميقة سنة في القرآن. بس للأسف الشديد علاقتنا السطحية بكتاب الله هي اللي مخلينا مش فاهمين هزا الكلام نسأل الله ان يحلينا ويخلقنا بأخلاق القرآن.انا كده خلصت الحد الایة اتناسن. ان شاء الله بازن الله المرة الجایة
هيبقى درس عشر زي الحجة شبيك ليك بقى - 00:57:04

العاشر من ايديك المرة الجایة ان شاء الله احلامك بين ايديك هنتكلم عن عشر زي الحجة. بازن الله. واسأل الله ان ييسر هزا وان يبقى
معي بقى ورقة احلامك بين ايديك بقى بتاعة عشر - 00:57:22

في ذي الحجة ورقة الاذكار الرهيبة اللي احنا المفروض نركز عليها في عشر زي الحجة. بازن الله سبحانه وتعالى زي ما قلت لاخوانكم
بتوع يلا نشجع بعض واخوات يلا نشجع بعض قبل المغرب - 00:57:32

لما قلت لهم المفروض ان انتن الوقتي ان شاء الله بازن الله تستعدوا وان شاء الله الجمعة اللي بعدها بقى اللي هتبقى تمانية وعشرين
زو القعدة. ان شاء الله يعني الجمعة الجایة انا هديكم درس - 00:57:42

ان شاء الله عشر زي الحجة بازن عشان من قبله بعشر تيام اكون كلمتكم عنه. الجمعة الاخيرة بقى من ذو القعدة ان شاء الله اللي هي
اللي بعدها. بازن الله سبحانه وتعالى اللي بعد اللي جایة ها خلصه - 00:57:52

صورة الحجرات اللي هو اخر اخر خمس ايات موجودة في سورة الحجرات. ان شاء الله بازن الله هخلصهم لكم المرة اللي بعدها
ونعلن عن ميعاد الامتحان بقى. ان شاء الله بازن الله - 00:58:04

يبقى احنا كده ايه خلصنا الدرس بتاعنا قبل موسم الحج وقبل بدء عشر ذي الحجة. اللي عايز يستعد لعشر ذي الحجة ان شاء الله بازن الله. ساعة ذكر يومي بالنهار وساعة ذكر بالليل. جلسة الضحى هيحافظ عليها من دلوقتي - [00:58:14](#)

وآاساعة قبل النوم ذكر للله. عاملين لكم الورقة ده اللي هي ورقة آآآ احلامك بين ايديك اللي هي افضل ازكار التسبيح وافضل ازكار الحمد افضل ازكار التهليل والاستغفار. الورقة الجميلة ديت كنا وزعننا عليكم قبل كده. ان شاء الله بازن الله نتمحي بضاعة جميلة بقى كده. وان شاء الله سلسلة عشر زي الحجة اصلا اللي انا - [00:58:29](#)

طلع على صفحة الفيس هتبقى شرح للورقة دي. شرح لهذه الورقة. سلسلة احلامك بين ايديك. ان شاء الله بازن الله. ان شاء الله بازن الله قبل عشر زي الحجة بتلات تيام هبدأ دورة - [00:58:49](#)

من الفجر دورة يا جبال اوبى. هتبقى برضو شرح الورقة دي هنا في المسجد. رجال ونساء بازن الله سبحانه وتعالى. حيس ان الورقة دي تبقى ورد عندنا بقى كده. انا مجمع فيها - [00:58:59](#)

الافكار اه افضل الافكار سوابا في التسبيح والتحميد والتهليل والحوقلة وكده ان شاء الله بازن الله والصلوة على الرسول عليه الصلة والسلام. بحيس انها تبقى نبراس لنا في اه آاعظم صفقة في حياتنا واعظم موسم في حياتنا اللي هو عشر ذي الحجة بازن الله سبحانه وتعالى. المفروض ان في عشر ذي الحجة انت عندك تلات مستويات من العبادة - [00:59:09](#)

الاول ساعة بعد الفجر وساعة قبل المغرب او بعد المغرب وساعة قبل النوم ذكر. تمسك الورقة دي بقى تركز كل يوم على ذكر باللي فيها. او تجييها كل يوم. طيب المستوى الاعلى ساعتين ساعتين ساعتين بعد الفجر ساعتين. آآ قبل المغرب ساعتين قبل النوم. يعني ست ساعات مجالسة - [00:59:29](#)

الرحمن انا جليس من ذكرني. طب المستوى الاعلى تلات ساعات بعد الفجر؟ تلات ساعات بقى بين العصر والمغرب. تلات ساعات قبل النوم. تسع ساعات مجالسة للرحمن. شف لما الرحمن الغني الملك المهيمن يجالسك هيعمل لك ايه؟ وهيفير لك في حياتك ايه؟ يعني قصدي رتبه من الوقت خطة عشر ذي الحجة. ربها - [00:59:49](#)

دلوحتي قل مسلا ساعة ساعة. طب انا عشان استعد بقى لازم يكون عندي ساعة بالنهار وساعة بالليل جلسة الضحى ادمن الذكر فيها بقى واعيش مع ذكري كل يوم قبل النوم حيس انك تستعد انما العجز في الاستعداد للعشر معناه تضييع العشر وعدم التخطيط هو التخطيط للفشل. وسلاما على عباده الذين اصطفى اما بعد - [01:00:09](#)

اخوانى واحبابى في الله آآ خسوف القمر. طبعا انتم عارفين ان المفروض ان الوقت بدأ خسوف القمر بقى له دقائق. وان آآ يعني الكلام حلمي ان خسوف القمر هيقدر لحد الساعة واحدة وتلت والناس بتتعامل ان الموضوع علميا عادي جدا يعني ده ده ما لوشن دعوة بالكسوف اللي مذكور في سورة القيامة وخسف القمر وجمع - [01:00:29](#)

والقمر يقول الانسان يومئذ اين المفتر؟ الكلام ده غلط يا جماعة. على فكرة الخسوف بتاع يوم القيمة احتمال كبير جدا جدا. العلماء الفلكة بيقولوا راصدينه. ومعتقدين الخسوف هييجي الساعة كذا وهيمشي الساعة كذا. والناس كلها بتتعامل زي الوقت كده. نطلع بقى قمم الجبال وتتفرج على الكسوف والخسوف. ونجيب النظارات ونتفرج. وناس فر دوله كذا - [01:00:53](#)

اللي بيبقى الكسوف والخسوف فيها اعلى ما يكون. ونضحك ونفرح ويبيقى يوم جميل وشركات السياحة تشتعل. يا اما ناس عادي يعني ده حدس علمي عادي. قال تعالى يعلمون ظاهرا من الحياة الدنيا. فيه ناس بتتعامل مع الظواهر بس. انما ما وراء الظواهر؟ هو ربنا بي عمل كده ليه؟ ده بروفه ليوم القيمة يا اخوانا. ده يا اما فعلا يعني يوم القيمة لما - [01:01:13](#)

ما بييجي يحصل عادي هيبي في خسوف علمية مرصد المفروض يحصل خسوف الساعة كذا ويمشي الساعة كذا. وناس تتطلع على الجبال تتفرج. وناس تقعد عادي لأن ده موضوع طبيعي وهيخلص. وفجأة تقوم القيمة - [01:01:33](#)

عشان كده النبي عليه الصلاة والسلام في البخاري ومسلم لما كشفت الشمس النبي عليه الصلاة والسلام في اليوم ده ابنه مات ابراهيم مات وراح وفاضت روحه على ايدين النبي عليه الصلاة والسلام والنبي راح وده - [01:01:47](#)

مع الصحابة عليه الصلاة والسلام وقال وان على فراقك ابراهيم لمحزونون. روح النبي عليه الصلاة والسلام البيت بتاعه في اول

النهار صباحا كده بعد ما دفن ابراهيم ابنه الوحيد الولد الوحيد اللي باقي له كل ولاده ماتوا اولاد وبنات ما عدش غير السيدة فاطمة بس. آآ بنت النبي عليه الصلاة والسلام والنبي راجع وفجأة حصل كسوف الشمس. النبي عليه - 01:02:00

الصلاوة والسلام لما حصل كسوف الشمس فزع رعب. رعب عليه الصلاة والسلام انفزع عليه الصلاة والسلام. وظن انه يوم القيمة او خشي ان يكون يوم القيمة النبي عليه الصلاة والسلام خشي ان يكون هذا يوم القيمة هو ده تفاعل المؤمن مع هزه الاحdas. مين اللي قال لك ان الكسوف هينجلي ؟ طب ما ممكن يبقى يوم القيمة. انت تعرف منين - 01:02:20

فهو كسوف يوم القيمة وكسوف يوم القيمة هيبيقى برضو زاهرة فلكية ولكن فجأة سينقلب كل شيء ويتحول الى يوم القيمة. ان الساعة اتية اكاد اخفيها الحشرات اكاد اخفيه. العرض يوم القيمة ات ولكن ربنا قال اكاد اخفيها. ما حدش هيكتشفه. الناس هتعتبر انها زواطة - 01:02:40

وعلمية عادية. وفجأة تقوم القيمة وفجأة ينقلب كل شيء. فدي قضية النبي عليه الصلاة والسلام رعب فزع. وخشى ان يكون القيمة لدرجة ان النبي عليه الصلاة والسلام عايز يلبس ثوب. عايز يلبس ثوب ويجري بسرعة يلم الناس جت الصبح مسلما تمانية الصبح كده ولا حاجة. والدنيا في اليوم ده كان حر رهيب. النبي عليه الصلاة - 01:03:00

من كتر الفزع اللي هو فيه لم يعني النبي عليه الصلاة والسلام يعني عليه الصلاة والسلام بدل ما يلبس الصوت بتاعه ولبس صوت زوجته. ده الكلام ده في البخاري ومسلم. روایة ابو موسى الاشعري ورواية السيدة اسماء بنت ابي بكر. النبي بدل ما يلبس سوبه من الخوف اللي انتبه النبي عليه الصلاة والسلام. بدل ما يلبس - 01:03:20

اسلوبه لبس زوب زوجته وما كانش عليه الصلاة والسلام من تعجله على الصلاة. على انه يعمل صلاة الخسوف. ان اه صلاة الكسوف. النبي عليه الصلاة والسلام خرج وهو يجره جرا. انت عارف اما انت ايه تكميل لبس القميص وانت خارج برة لانك انت مستعجل جدا في المشوار. ثم ذهب الى المسجد - 01:03:40

ارى ان ينادى في الناس الصلاة جامعة. المسلمين كلهم الرجال والنساء اجتمعوا فيه. المسجد النبوى وبدأ النبي صلى الله عليه وسلم في صلاة الخسوف شفت كسوف الشمس وكسوف القمر بدأ في صلاة الكسوف يقول ابو موسى الاشعري فلم اره قط اطال في قيام ولا رکوع ولا سجود مسل هزه الصلاة اطول - 01:04:00

صلاة في حياة رسول الله في عمره كله. اطول صلاة هي الصلاة اللي صلاتها في هزا اليوم. واليوم كان حر رهيب لدرجة السيدة اسماء بتقول الناس كانت بتخر مخشية عليها. السيدة اسماء نفسها اغمى عليها - 01:04:21

في في الصلاة. فبدل ما تروح بقى الحقونى ورحت البيت واغمى علي اعمل ايه؟ انت لو اغمى عليك دلوقتى يعني هتقف تصلي. ها اغمى عليها. كبت على نفسها جرة ماية - 01:04:31

وقامت كملت صلاة ثاني. الناس كله معتقد انه يوم القيمة. وان احتمال كبير بيقى يوم القيمة. لدرجة ان الصحابة كانوا قاعدين يصرخوا ويبكون طول الصلاة. يعني يعني واحد بيقع مخشية عليه. واحدة بتقع مغمى عليها. تجيب مع نفسها مية وتقوم. والصحابة قاعدين يصرخوا ويبكون. لأنهم شايفين النبي عليه الصلاة والسلام عامل ايه؟ النبي عليه الصلاة والسلام كان طول - 01:04:41

قد ينفح اف النبي كان ينفح ويدعو ويبكي ويستغيس صلاة رهيبة. وصف البخاري ومسلم لصلاة خسوف الشمس اللي ابو عاصم عملها في اخر حياته وصف رهيب. فين ده بقى من اللي بيحصل دلوقتى - 01:05:01

دلوقتى صلاة الخسوف بازن الله سوف يقصف القمر بين الساعة تمانية وتلتاشر دقيقة. ان شاء الله واحدة وعشرين دقيقة سينجي للكسوف. وسيحيى هزه الليلة القارئ جميل فلان ابن فلان. وان شاء الله بازن الله هيوزع حلويات في النص عشان تقدر تجهز نفسك وانت بتصلى. وان شاء الله لما تروح بقى هو مين قال لك ان انت - 01:05:16

ومين قال لك ان اصلا ده مش هيبيقى يوم القيمة؟ وما نرسل بالايات الا تخويفا هي العبرة اصلا يا عم ده يعني ربنا بيذكرك انه قادر على اقامة القيمة. وفي نفس الوقت لعله يوم القيمة وانت تعرف منين؟ فانت لازم تخاف - 01:05:36

لازم تخاف. قال تعالى يا ايها الناس اتفوا ربكم ان زلزلة الساعة شيء عظيم هو لما اقول لك ايه انا رحت اه انا رحت اه شفت الاسد في

جنينة الحيوانات. تقولي لي الاسد هو الاسد ده شكله ايه؟ هقول لك ده شيء فظيع. ده شيء صعب - 01:05:52

جدا انا كده باعرف اوصف ولا ما باعرفش اوصف انا كده الاسد اكتر من قدرتي على الوصف. انا الاسد ده حاجة مرعبة لدرجة اني مش عارف اوصفها. فده عجز مني. فلما اقول لك ده شيء فزيزع ده عجز مني - 01:06:11

طب لما ربنا يقول لك ان زلزلة الساعة شيء عظيم. الله! طب ربنا ما وصفهاش ليه؟ هل عجز من الله عن الوصف عجز منك انت عن الفهم المشكلة ان انت مش هتفهم. ده ربنا بيقول للنبي وما ادرك ما القارعة - 01:06:25

وما ادرك حاجة فوق مستوى ادراك الانسان وقدرته على التخييل اصلا. يوم ترونها تذهل كل مرضعة عما ارضعت. ذهول اللي هترمييه ما عدتش عارفة هو حته خشبة ولا بني ادم زهول. وتضع كل ذات حمل حملها مش تضع النساء الحوامل. كل ده الحوت الدلفين

الحام - 01:06:40

فلول واللبوة الحاملة ولكل الحوامل في الكائنات هتضع حملها. وترى الناس سكارى وما هم بسكارى فقدان الاعصاب مش بس فقدان المشاعر تجاه بعض وانهيار العواطف فقدان الاعصاب الناس فقدت السيطرة على اعصابها وترى الناس سكارى وما هم بسكارى ولكن - 01:07:00

عذاب الله شديد. يوم القيمة يوم شديد. يبقى لما بيحصل هذه الحاجات دي ايات الله يخوف عباده بها. ويذكرهم بيوم القيمة بها. هذه الاوقات اوقات تذكر ليوم القيمة عشان كده النبي عليه الصلاة والسلام كان بيصلّي لحد ما ينجلّي الكسوف او الخسوف ليه؟ لأنّ هو ده احتمال يبقى يوم القيمة. فلا حظ - 01:07:20

كل حاجة تقلب واحتعمال يبقى عقاب من عند الله سبحانه وتعالى. مش معنى انه ظاهرة فلكية كل حاجة ظاهرة فلكية. ما يوم القيمة ظاهرة فلكية. هو مين قال ان يوم القيمة مش كلام علمي اصلا وكلام لوجيك - 01:07:40

العلماء بيتكلموا فيه وان الشمس هيحصل لها وان الجو لازم هيحصل اصطدامات وهيحصل. ما هو كل حاجة لوجهك. هو ربنا اصلا سبحانه وتعالى يعني ربنا عمل الكل كن بحكمة وبسنن فمش معنى ان ده ظاهرة علمية انك انت ما تبصّش للي وراء هذه الظاهرة ربنا عملها ليه - 01:07:52

فيعني هذه ليلة تذكر ليوم القيمة وخوف من يوم القيمة وعرض على قلبك قضية يوم القيمة وعايزين بازن الله سبحانه وتعالى نعيش مع الايات كده بعد العشاء ان شاء الله المفترض ان كسوف القمر آآآآ خسوف القمر بدأ كسوف الشمس وخشوف القمر. آآآآ خسوف القمر آآآ بدأ - 01:08:10

بعد صلاة العشاء بازن الله يعني هتببدأ الصلاة ان شاء الله بازن الله. يعني اللي يمشي مننا اللي عنده سفر. اللي يمشي مننا اللي عنده طريق سفر يصلّي بقى وايه - 01:08:30

في الطريق انتم عارفين ان الصلاة يعني في ائمة قالوا انها واجبة. وفي ائمة ائمة يعني الجمهور على انها سنة. وطبعا الموضوع يعني مش سنة واجب. الموضوع ان ممكن يبقى يوم القيمة - 01:08:40

لازم يعني النبي انت مش فاهم اكتر من النبي عليه الصلاة والسلام. النبي اترعب. النبي اتفزع عليه الصلاة والسلام. النبي يعني بيقول لك فقام فلم يكدر يرفع وركع فلم يجد يسجد. وسجد فلم يكدر يرفع ورفع فلم يجد يسجد. وسجد فلم يكدر يرفع حاجة رهيبة في الطول - 01:08:50

وظل ينفح ويقول اف اف يا رب وعدتنى الا تعذبهم وانا فيهم وعدتنى الا تعذبهم وهم يستغفرون. ويقول عرض علي الجنة والنار فلم ارى من المسلسل هذا من الخير والشر قط! عمري ما شفت خير زي اللي الجنة ده وعمري ما شفت شر وعذاب! لا - 01:09:10

واحد محروم ولا منظر واحد فرمته عربية تريللا ولا منظر واحد اندفع ولا عمري ما شفت منزد ده اللي انا شفته في جهنم ده وشاف منازر ناس كذبوا الموضوع كبير يا اخوانى في الله. واحنا معنا الشيخ محمد الاسكندر ممكّن. يعني برضه ان شاء الله يعني ايه يعني ذكرنا كده في النص بازن الله سبحانه وتعالى. ربنا يسدكم - 01:09:30

نقوم نصلّي بقى ان شاء الله بازن الله. ثم آآآ يعني يعني الصلاة حتى ينجلّي الخسوف. بازن الله واخونا اللي يعني بيقول ادعوه الله ان

يرد لي زوجتي يا ولدي يا رب اللهم امين يا رب - 01:09:50

جزاكم الله خير - 01:10:02